

रमणियें के सोरडे

—०३५०—

I visited the
literature at an absurd one

निर्मल



पुस्तक प्रकाशक—
राजस्थान साहित्य सदन
सुजानगढ़
सं० १६६७

पुस्तक भिलने का पता :—
श्रीरामनरायनलाल प्रजापति
सुजानगढ़ (बीकानेर)

प्रथम संस्करण
मूल्य दो आना

मुद्रक :—
पं० रामदुलारे तिवारी
दी नेशनल आर्ट प्रिण्टर्स
१६३/२, हरीसन रोड,
कलकत्ता ।


दो शब्द

पुस्तिका में संगृहीत सोरठों में से। अधिकांश 'मेरे स्वर्गीय मुनीम श्री चुन्नीलालजी प्रजापति के पौत्र श्री रामनरायनलाल' को "जिसका बचपन का नाम रमणिया है" सम्बोधित करके लिखे गये हैं। लेखक ने यह सोरठे अपनी ही मनस्तुष्टि के लिये लिखे हैं अतएव लेखक इस सँग्रहकी आवश्यकता न समझता था, किन्तु कई मित्रों ने उन्हें इस रूप में देखना चाहा और उनका अनुरोध टाला न जा सका।

राजस्थानी साहित्य के अनन्य प्रेमी मेरे पूज्य भ्राता श्री सागरमलजी सेठिया बी० ए० बी० एल का भी आग्रह रहा कि मैं इन सोरठों को प्रकाश में लाऊँ अतएव इस निहोरे भी मुझे यह सोरठे पुस्तक के रूप में प्रकाशित करने पड़े हैं।

मानस-मन्दिर-कलकत्ता ।
आश्विन शुक्ला १, सं १६६७ } }

निर्मल



रमणिये के खोरठे

—०२५०८०—

नहीं मन्दिर में वास, नहीं मसजिद में मैं बसूं
मैं भगतां रो दास, रमतो योगी रमणियाँ

काया मैलो काप,^१ स्यावण है हरि नाम की
करले विण स्यूं साफ, रजक करै ज्यूं रमणियाँ

साधू धारयो नाम, पण है व बाधू असल
टुकड़ां ताँईं चाम, रंगे राख में रमणियाँ

अणहूंता झूठा फैल, निभ्या न निभसी डोकराँ
सदा जमाने गैल, रीत चालसी रमणियाँ

रमणिये के सोरठे

३०

कायर होय अनेक, वीर भगानै एकलो
ज्युं ल्याली ने देख, रेवड़ भागे रमणियाँ

॥

॥

॥

राखै मन में कोड़, रंग भूमी समझै सदा
रण-राता राठौड़, रण भूमी नै रमणियाँ

॥

॥

॥

जको करै धन नाद, बो वरसै माड़ो घण्ठ
व्यर्थ करै वकवाद, रोलागारो रमणियाँ

॥

॥

॥

हिम्मत रा सुख साज, हिम्मत री कीमत घण्ठी
रींक्याँ दै कुण राज, रींक मती तू रमणियाँ

दो

रमणिये के सोरठे

३३४

भूताँ का सा भेष, धूल उड़ै मेदा विन्या
इसड़ो म्हाँको देश, रुँख बिना को रमणियाँ

॥ ॥ ॥
नहीं रोग को लेश, मिनख निरोगा सब घणाँ
मनवाराँ रो देश, राजपुतान् रमणियाँ

॥ ॥ ॥
चरखो साचो शस्त्र, मिटै गरीबी देश की
छोड़ विदेशी वस्त्र, रेजी धोरो रमणियाँ

॥ ॥ ॥
वणिक हुया वेकाम, शुद्र चब्द्या है शीश पर
रजपूताँ में राम, रयो न रक्ती रमणियाँ

तीन

रमणिये के सोरठे

३०

मैंस समुख संगीत, त्यों मूरख न समझावण्
भलो बठै ही गीत, जठै रसिक है रमणियाँ

॥

॥

॥

कल राजा कल रङ्क, नर पीड़ी को मोल के
रावण राजा लङ्क, रल्यो रेत में रमणियाँ

॥

॥

॥

के निर्धन धनवान, चाकर सह करतार का
धन यौवन अभिमान, रञ्च न कीजै रमणियाँ

॥

॥

॥

सुख में गावो गान, क्यों दुख में रोवो भला
सुख दुख एक समान, रमो सदा ही रमणियाँ

चार

रमणिये के सोरठे

३७५

पर निन्दा हुँशियार, मूँडे मिठ बोला घणाँ
इसड़ा नर बद्कार, रहो न साथै रमणियाँ

॥

॥

॥

बीती ताहि विसार, आगे की सुध राख तू
घबड़ा कर मझधार, रुल जाज्यो मत रमणियाँ

॥

॥

॥

मत बण खाली ढोल, कर खरचो पैदा जिस्यो
राख जमाँ की ओल, रोकड बाकी रमणियाँ

॥

॥

॥

बसन्त काल कश्मीर, गिरम में शिमलो आछो
सुख कर बीकानीर, स्त सावण की रमणियाँ

पाँच

रमणिये के सोरठे

३१

करै ऐश आराम, मिनख हुया सब पांगला
 वण्या ठौड़ का ठाम, रही न हिमत रमणियाँ

कुण कीं कै है साथ, बणी का सीरी सगला
 उद्यम राखो हाथ, रिणक मती तू रमणियाँ

बैत हुया बेकाम, कुण पूछै है ऊँट नै
 कम खरचो आराम, रेल बणी जब रमणियाँ

मीठा बचन उचार, सुख पावै काया घणी
 कडुआ बोल्याँ खार, रङ्ग रचावै रमणियाँ

छ

रमणिये के सोरठे

३१

धन हो जद हा यार,
मुख मीठा घण बोलणा
पड़ी गरीबी मार,
रोख्यां मूँगी रमणियाँ

॥

राख्यो चावै नाम,
पर उपगारी जीव वण
नहीं तो अधन धाम,
रही ज्युं है रमणियाँ

॥

खावो रावड रोट,
करो भजन करतार को
मस्त वण्यो रह सोट,
रागड दो ज्यूं रमणियाँ

॥

जा विध राखै राम,
ता विध ही रहणूं भलो
चिन्ता को कै काम,
रहो मौज में रमणियाँ

रमणिये के सोरठे

१४४

धीरज स्युँ कर जेज, काम करो सगलो सफल
 ऊँचा खेजड बेज, कदै न हूँवै रमणियाँ

॥

॥

॥

जिण दीन्हीं है चूंच, चून भी बो ही देसी
 कुण नीचो कुण ऊँच, रैयत है सब राम की

॥

॥

॥

सांची लागै बात, खारी जाणै नीम ज्युँ
 उल्लू न परभात, रीस न कीजै रमणियाँ

॥

॥

॥

बुरी भांग तमाख, बुरो मध को सेवणूँ
 नशो भजन को राख, रङ्ग राचैलो रमणियाँ

आठ

रमणिये के सोरठे

३०

लाग्यां लातां थाप, नीच हुवै सीधा सणक
काठ होय ज्यूँ साफ, रंदो लाग्यां रमणियां

॥

॥

॥

दै गरीब नै दान, यदि मिलणूँ चावै राम स्यूँ
तज झूठो कुल मान, राम मिलैगो रमणियां

॥

॥

॥

धार चित्त में धीर, औगुण स्यूँ गुण टाल तूँ
पय पीवै तज नीर, राजहंस ज्यूँ रमणियां

॥

॥

॥

क्यों झूठा गालो हाड, चिन्ता में गल गल मरो
देसी छप्पर फाड, रज्ज करो किम रमणियां

रमणिये के सोरठे

मन ढीलो मत छोड़, वश राखो काठो पकड़
मन है बांको घोड़, रास विना को रमणियां

सीसोदां मेवाड़, कछवाहा जयपुर बसै
थली देश मरवाड़, राठौड़ी में रमणियां

वरस हुया है तीन, छांट एक वरसै नहीं
मिनख विकल ज्यूँ मीन, रासो काँई रमणियां

जाय भलाँ ही जीव, वचन कदै छोड़े नहीं
इसड़ा राखै हीव, राजस्थानी रमणियां

रमणिये के सोरठे

३०

पिक-वायस एक समान, दोन्याँ में है फरक के
पर बोलो स्युं पहचान, रङ्ग करै के रमणियाँ

४५

४५

४५

कुण किण नै दै मार, कुण किण नै देवै जिवा
मन में राख विचार, राम रुखालो रमणियाँ

४५

४५

४५

भूल न कीजै साथ, जका मिनख खोटा घणां
गलै पड़ै बिन वात, रस्तै वहतां रमणियाँ

४५

४५

४५

बुरो फूट रो काम, मन में ल्यावै आंतरो
चावो सु-यश नाम, रल मिल चालो रमणियाँ

ग्यारह

रमणिये के सोरठे

३५४

मन में आवे राग, बेमतलव की वात स्युं
ज्यूं चन्दन में आग, रगड़ जगावै रमणियाँ

॥

॥

॥

विन विद्या विन बुद्ध,
पौरुष खाली के करै
कद जीतो ज्या युद्ध,
रंगरुटाँ स्युं रमणियाँ

॥

॥

॥

लालच बुरो बलाय,
लूण घलावै खीर में
दिन दिन अधिक बधाय,
रबड़ बँधौ ज्यूं रमणियाँ

॥

॥

॥

जीभ बढ़ावै बैर,
जीभ जुड़ावै प्रीत ने
राखो, चाहो खैर,
रसना वश में रमणियाँ

बारह

रमणिये के सोरठे

३५

रथाँ नीच के सीर, हुवै भलो भी बिण जिस्यो
तिक्त हुवै नद तीर, रल सागर में रमणियाँ

३६

३७

३८

एक ज्ञान की बात, हरै भरम मन को नराँ
ज्यूँ चमकावै रात, राकेश अकेलो रमणियाँ

३९

४०

४१

समय बड़ी बलवान, समय करानै काम सह
सरै न कोई काम, रँज करयाँ स्यूँ रमणियाँ

४२

४३

४४

मन में घणाँ हुंश्यार, पूँछ न जाणै आँक की
छलकै बारम्बार, रीतो मटको रमणियाँ

तेरह

रमणिये के सोरठे

(१)

होनहार सो होय, करम लिखेड़ी ना टलौ
जो नर मूरख होय, रुदन मचावै रमणियाँ

॥

॥

॥

अस्थिर है संसार, गरब न कीजै भूल कर
ले ज्यासी जण च्यार, रथी बणाँ कर रमणियाँ

॥

॥

॥

स्वारथ में सह सीर, बक्त पञ्चां बदलै नयन
ज्युँ किरडै रो कीर, रङ्ग बणावै रमणियाँ

॥

॥

॥

निर्बल कै बल राम, आ कैवत कहतां सुणी
सिमरूँ विण रो नाम, राम आसरो रमणियाँ

चौदह

रमणिये के सोरठे

३४

कर दै कालो रँग, ज्यूँ हाथ लगायाँ कोयलो
त्यूँ रुलपट को सज्ज, रहो न साथौ रमणियाँ

॥

॥

॥

हुवै नाम बदनाम, इज्जत का टका हुवै
जग हांसी कुल हाण, रामाण करचाँ स्यूँ रमणियाँ

॥

॥

॥

चिन्ता दुःख को धाम, तन देवै सगलो गला
ज्यूँ जूते को चाम, रांपी छेकै रमणियाँ

॥

॥

॥

कहसी बात विचार, देख सँमें की चाल नै
बो ही नर हुँशियार, रेख राखसी रमणियाँ

पन्द्रह

रमणिये के सोरठे

आंसूं हिय को हार, गालौ मन के मैल नै
ज्यूँ कपड़े को खार, रीठो काटै रमणियां

ज्यूँ हंसा करत जुहार, सूख्यो सरवर देख कर
त्यूँ मुतलचियो संसार, राख मनां॒ तू रमणियां

स्वारथ को संसार, विन स्वारथ बोलौ नहीं
गिरधर है आधार, रीझ भजो थे रमणियां

बो तो है सब ठौर, मन्दिर मसजिद के धरचो
करो जठै ही गौर, रमै बठे ही रमणियां

२ मन

सोलह